



27 Hydref 2022

Annwyl Bennaeth y Ganolfan

Rydyn ni'n gobeithio bod dechrau'r flwyddyn academaidd newydd yn mynd cystal â phosib i chi, eich staff, a'ch dysgwyr. Cyn y gwyliau hanner tymor, roedden ni am roi'r wybodaeth ddiweddaraf i chi ar ein hymgyngoriad Dweud Eich Dweud a chyfres arholiadau mis Tachwedd.

Dweud Eich Dweud ar gymwysterau TGAU y dyfodol

Fel rydych chi'n gwybod, rydyn ni wedi lansio sgwrs genedlaethol i roi cyfle i bobl Cymru ['Ddweud Eich Dweud' ar gymwysterau TGAU Gwneud-i-Gymru y dyfodol](#).

Rydyn ni wedi bod yn gweithio'n agos gydag athrawon, arbenigwyr pwnc a llawer o rai eraill i gyd-greu cynigion ar gyfer dylunio, cynnwys ac asesu set newydd sbon o gymwysterau TGAU. Rydyn ni am wneud yn siŵr y bydd y cymwysterau newydd hyn yn helpu eich canolfan chi i sicrhau llwyddiant y Cwricwlwm i Gymru ac i baratoi dysgwyr ar gyfer bywyd, dysgu a gwaith.

Gadewch i ni siarad am gymwysterau TGAU – 16 Tachwedd

Rydyn ni angen eich help chi i greu ymatebion gan athrawon, dysgwyr, rhieni/gofalwyr a llywodraethwyr erbyn ein **dyddiad cau, sef 14 Rhagfyr 2022**. Ar 16 Tachwedd, byddwn ni'n ymweld â chanolfan ac rydyn ni am i chi fynd ati ar y diwrnod hwnnw i gymryd rhan yn yr ymgynghoriad. Rydyn ni'n bwriadu rhannu lluniau o sesiynau gan ysgolion/colegau yn helaeth ar ein sianeli cyfryngau cymdeithasol. Dyma [ddolen i becyn cymorth](#) a fydd yn helpu'r trafodaethau, ynghyd â [thestun ar gyfer cylchlythyrau rhieni/gofalwyr a chlip o ddysgwyr Blwyddyn 7](#) yn y lansiad yn Ysgol Uwchradd Llanisien. Rhowch wybod i ni am eich cynlluniau a thagiwch ni yn y gweithgaredd.

Cymwysterau Cymru

Adeilad Q2, Lôn Pencarn
Parc Imperial,
Casnewydd
NP10 8AR
☎ 01633 373 222



Qualifications Wales

Q2 Building, Pencarn Lane
Imperial Park,
Newport
NP10 8AR
☎ 01633 373 222



Bydd eich adborth yn helpu i lunio'r gofynion dylunio terfynol y mae'n rhaid i CBAC a chyrrff dyfarnu eraill eu dilyn wrth ddatblygu'r manylebau manwl ar gyfer y cymwysterau newydd hyn.

Mae'r ymgynghoriad yma'n un rhan o'n gwaith i ddiwygio'r ystod lawn o gymwysterau ar gyfer dysgwyr 14-16 oed. Yn nhymor y gwanwyn, byddwn ni'n ymgynghori ar gynigion ar gyfer cymwysterau eraill a fydd yn dod at ei gilydd i ddarparu cynnig cydlynol a chynhwysol i bob dysgwr.

Goruchwylio cyfres arholiadau TGAU mis Tachwedd 2022

Mae pedwar cymhwyster TGAU yn cael ei arholi ym mis Tachwedd: Saesneg Iaith, Mathemateg - Rhifedd, Mathemateg a Chymraeg Iaith. Fel ym mis Tachwedd 2021, nid oes cyfyngiadau ar bwy sy'n gallu cael eu cofrestru ar gyfer yr arholiadau hyn.

Mae data cofrestru dros dro a gaiff ei gasglu gan CBAC yn rhoi syniad cynnar i ni o'r patrymau cofrestru ar gyfer pob cyfres arholi. Rydyn ni'n defnyddio'r data yma i helpu i gynllunio ein dull o oruchwylio'r dyfarniadau ac i ddehongli'r canlyniadau. Byddwn ni'n cyhoeddi ystadegau swyddogol ar gofrestradau mis Tachwedd ar ddechrau mis Rhagfyr. Fe welwch chi'r wybodaeth yma yn yr adran [cyhoeddiadau](#) ar ein gwefan.

Fe wnaeth CBAC ryddhau [gwybodaeth ymlaen llaw](#) ar gyfer y gyfres hon ym mis Mehefin gyda'r bwriad o gefnogi dysgwyr i baratoi ar gyfer eu harholiadau.

Byddwn ni'n monitro sut mae ffiniau graddau yn cael eu pennu gan CBAC ar gyfer pob arholiad o fewn y gyfres hon er mwyn sicrhau bod y safonau'n briodol ac yn ystyried ein penderfyniad polisi ynghylch graddio ar gyfer haf 2023.

Diogelwch Arholiadau

Mae ysgolion a cholegau'n chwarae rhan allweddol wrth gynnal diogelwch papurau arholiadau ac mae'n bwysig bod eich staff yn dilyn y rheolau sydd wedi'u gosod gan y Cydgyngor Cymwysterau (JCQ) ar gyfer diogelwch papurau a chynnal arholiadau.

Mae'r wybodaeth hon ar gael yn yr adran Cyfarwyddiadau ar gynnal arholiadau (*Instructions for conducting examinations*) ar wefan y JCQ. Mae gan wefan CBAC hefyd ganllawiau defnyddiol ar beth i'w wneud os oes amheuaeth bod diogelwch wedi'i danseilio.

Mae gan CBAC ganllawiau ynglŷn â chynllunio wrth gefn sy'n darparu gwybodaeth am beth i'w wneud os bydd tarfu ar arholiadau mewn unrhyw ffordd. Rydyn ni'n eich cynghori i ymglyfarwyddo â chanllawiau CBAC a JCQ ac i sicrhau bod cynlluniau wrth gefn yn gyfredol ac yn addas i'r diben.

Yn gywir



Philip Blaker
Prif Weithredwr